

فيديو # ٢٢٧ من مقاطع حظر التجول تدبر البقرة حلقة ٣٥ الآية

٩٧١-٨٧١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعمية اثنين وعشرين. من مقر قطع حظر التجول والحلقة الثالثة والخمسون من حلقات تدبر سورة البقرة. ارجو من حضراتكم تجميعوا المصاحف - [00:00:01](#) واقرأوا معي الايتين مئة ثمانية وسبعين ومئة تسعة وسبعين اعوذ بالله السميع العليم من الشيطان الرجيم يا ايها الذين امنوا كتب عليكم القصص في القتلى الحر بالحر والعبد بالعبد والانتى بالانتى - [00:00:22](#) فمن عفي له من اخيه شيء فاتباع بالمعروف واداء اليه باحسان ذلك تخفيف من ربكم ورحمة فمن اعتدى بعد ذلك فله عذاب اليم ولكم في القصص حياة اولي الباب لعلكم تتقون - [00:00:49](#) طيب تتكلم الايات عن احكام المسلم المقتول اللي بيموت مقتول اية فيها كتب عليكم القصص واية ثانية فيها ولكم في القصص حياة عليكم يعني ده واجب عليكم ولكم يعني ده فيه فايده لكم او مصلحة لكم - [00:01:26](#) اذا الواجبات والتكليفات اللي بيكلفنا بها ربنا سبحانه وتعالى هي لصالحنا في الاساس. ادي اول ملحوظة هتلاحزها دايمًا عليكم بتجيب لكم. عليكم لكم قبل ما نتدبر بقى الآية خلونا الاول نفهم معنى القصص - [00:01:56](#) القصص هو المعاقبة بالمثل من قتل يقتل من فقا عينا تفقا عينا له. نفس العين فقا اليمين تفقا له اليمين. فقا الشمال تفقا له الشمال اللي بيقطع اذن تقطع اذنه - [00:02:17](#) قطع صباعين نفس الصباعين عنده يقطعه من نفس اليد اللي قطع. قطع مسلا الخنصر والبنسر من اليد الشمال لانسان يقطع من ايده الشمال نفس الصباعين الخنصر اللي هو الصغير البنسر اللي قبله. اسمها الاصابع اهي. الابهام - [00:02:35](#) السبابة تسمى السبابة عشان تستخدم عند السب يقول لك ايه ده الواد ده حمار فبيشاور عليه كده يقول لك ده ده غبي اسمه السبابة. هم الوسطى والبنسر والخنصر. المهم فده اسمه القصص. القصص هو المعاقبة بالمثل وتشمل القتل. من قتل يقتل - [00:02:58](#) من قتل بغير حق يقتل يعني في حاجة بقى اسمها القود وهو ان المجرم لو هرب وما سلمش نفسه او اولياؤه سلموه بنفسهم واتمسك يقاد بحبل من رقبتة لمكان تنفيذ الحكم ده اسمه القود - [00:03:17](#) وهناك ما يسمى بالدية وهي انه اذا عفا اهل القتل عن القاتل بحيث لا يقتل لكن يدفع لهم الدية قدر الدية مائة ناقة في البلاد اللي بيتعامل فيها بالجمال - [00:03:40](#) انما في بلاد اخرى زراعية وما فيش فيها جمال ما هيش بلاد يعني صحراوية او فيها بدو وكده فبيتم التعامل بالبقر يبقى مائة بقرة وفي بلاد لا فيها بقر ولا فيها جمال بيتعامل - [00:04:02](#) بالخرفان يبقى الفين خروف اه الفين مش كده؟ اه الفين خروف. طيب طيب لو واحد اتلف عضو من اعضاء جسمي ما قتلنيش. قتلني يدفع لولادي لو هم عفوا آ مائة جمل - [00:04:18](#) الجمل مسلا بعشرين الف جنيه بمية ادي اثنين مليون جنيه. طب لو هو اتلف عضو من اعضاء جسمي اه يقتص منه او ان انا اعفو عنه واخذ الدية ربنا بيقول - [00:04:43](#) في سورة المائدة النفس بالنفس والعين بالعين والانتى بالانف والاذن بالاذن والسن بالسن والجروح قصاص او ان انا اعفو عنه نظيره

دفع دية العينين دول كم عين عند الواحد؟ اتنين. يبقى الاتنين مع بعض بميت ناقة - 00:05:05

نفس الدية بتاعة النفس يبقى لو هو اتلف لي عين نص دية خمسين ناقة مليون يعني احنا قلنا الميت نقب اتنين مليون تقريبا يبقى مليون طيب قطع لي صباع العشر اصابع بدية كاملة - 00:05:26

يبقى الصباع بمتين الف وهكذا طيب هنا في حكم بالنسبة لدية المرأة جمهور الفقهاء ان ديت المرأة نصف دية الرجل وقالوا ده يا ناس يا اللي زعلانين يا عبط ده مصلحة المرأة. لانه ليس يعني - 00:05:46

اه لان ديت المرأة بياخذها الرجل ياخذها جوزها لو واحد مراته اتقتلت هياخذ هو ما يساوي خمسين ناقة. لكن لو زوجها هو اللي قتل هرب هي هتأخذ ما يساوي مائة ناقة. ليه؟ لان هنا قال لك الزوج هو اللي بيشتغل وبيجيب الطعام للأسرة. يعني اذا الأسرة محتاجة - 00:06:07

تعويض اكبر لما اللي العاقل بتاعها هو اللي يموت. طب ما فيه نساء بتشتغل وبتصرف. انا عايز اقول لكم ان جمهور الفقهاء على الرأي ده لكن خالفهم فقهاء اخرين. اذا الاجماع مش موجود في مسألة - 00:06:28

ان دية المرأة نصف دية الرجل بل هم معتمدين على حديث ضعيف اصلا كمان وده الغريب ان هو فيه آآ جمهور الفقهاء عليه لكن ما فيش اجماع اه والاخرين المخالفين لهم وان كانوا آآ فقهاء يعني آآ قليلين - 00:06:44

آآ لكن عندهم ادلة قوية برضو. الادلة بتاعتهم هم هي الاقوى الحقيقة. يعني آآ الرسول عليه الصلاة والسلام قال في حديث صحيح ان في النفس مائة من الابل والنفس تشمل رجل امرأة طفل ما يفرقش بقى - 00:07:04

وعايز اقول لكم يعني الفقهاء اللي خالفوا دول يعني فقهاء برضه يعني آآ كبار يعني انا بصراحة مش يعني مش فاكرو بالظبط مين لكن آآ ابن حزم آآ والشيخ رشيد رضا. وآآ وآآ الشيخ الغزالي طبعاً. آآ بيتهياً لي مصطفى الزرقا - 00:07:19

يعني في مجموعة من الشيوخ الكبار الشيخ محمود شلتوت آآ عرضه في مسألة ان دية المرأة نصف دية الرجل وان كان ده في صالح اصلا المرأة مش في صالح الرجل يعني - 00:07:39

اه يعني طيب هنا برضو هنجدا ايه بعض المسلمين زعلانين اوي ان القانون فيه عقوبة مشددة على القتل كده لدرجة ان فيه عقوبة اسمها عقوبة الاعداء. ده الدول المتحضرة شالت العقوبة دي خلاص - 00:07:52

ليه؟ لان مش من حق حد يزهد روح اي حد اولاً احنا متفقين فعلاً ان مش من حق اي حد يزهد روح حد. ده حقيقي ولكن هنا اللي حط القانون ده - 00:08:09

هو اللي اعطى الروح. وهو الوحيد اللي من حقه انه ياخذ الروح. فهو اللي حط هذا القانون. ادي اول حاجة. فعلاً مش من حق حد يعمل قانون وضعي يحكم فيه بالاعداء - 00:08:26

على حد بمزاجه لاً. لكن ربنا سبحانه وتعالى اللي اعطى الروح هو اللي من حقه ياخذ الروح. ادي اول حاجة. لكن الحاجة الثانية بقى احنا نسأل الناس اللي زعلانة اوي - 00:08:36

من عقوبة الاعداء على القتل ده هو حضرتك ناوي تقتل يعني العقوبة دي بتدفع. تردع يعني تخوف. اللي يفكر في انه يقتل انت ممكن تكون دلوقتي بتسعى لالغاء عقوبة الاعداء. ولما تلغى واحد كان بيفكر بيفكر يقتلك او يقتل حد من ولاده - 00:08:45

وكان متردد عشان عقوبة الاعداء مخوفاه. انت لغيت العقوبة بنفسك اللي سببت ان حد من ولادك يقتل او ان انت نفسك تقتل انت حضرتك لو انت مش ناوي تقتل قريب يبقى بصراحة - 00:09:09

على الموضوع ده عشان ده مش في مصلحتك انا افهم يعني لما واحد يكون زعلان اوي ان في عقوبة مشددة جدا على الحرامية. يبقى هو حرامي او هو ناوي يسرق. ما انت عملت شئ غريب جداً. يا اما - 00:09:26

تفهم ان العقوبة الشديدة اوي دي دي عشان حمايتك انت. الله! لو انت مش حرامي ما هي بتحميك انت من السرقة. لو انت مش قاتل ومش هتقتل فبتحميك انت من القتل - 00:09:39

فلسفة العقوبات في الشريعة الاسلامية مختلفة تماماً عن العقوبات في القوانين الوضعية اللي موجودة في اوربوا النهاردة فلسفة

العقوبة في الشريعة الاسلامية انها عقوبة شديدة جدا قاسية جدا حتى لا تطبق - 00:09:51

يعني عشان الجريمة تقل جدا الجريمة تقل جدا فما تحصلش جرائم كثيرة فما نضطرش لتطبيق هذه العقوبات كثيرة لكن فلسفة العقوبة في القوانين الغربية هي انهم يحطوا عقوبة مناسبة معقولة علشان تطبيقها ما يبقاش صعب. نتيجة كده عندك سبعة مليون مسجد - 00:10:10

في امريكا شعب كامل مسجون. سبعة مليون منهم متين الف مسجون مدى الحياة في قضايا قتل هسأل سؤال بقى تفتكروا المتين الف اللي مسجونين في لو كل واحد فيهم قتل واحد بس يعني ما فيش فيهم حد مسلا عمل مذبحه او بتاع. لكن كل واحد قتله في متين الف واحد اتقتلوا - 00:10:30

طيب لو كانت عقوبة الاعداد موجودة ومطبقة كم واحد من المتين الف دول كان ممكن ما يموتوش ممكن ما يقتلوش ده يفهمنا بقى الاية الكريمة مية تسعة وسبعين. والحقيقة حلقة النهاردة هتكون غريبة شوية. انا هاخذ لكم مية تسعة وسبعين الاول وبعدين -

00:10:52

النصف الثاني من مية ثمانية وسبعين وبعد كده النصف الاول مية ثمانية وسبعين. هاشرحها لكم بالراجع للأسف يعني ده يشرح لك ولكم في القصص حياة يا اولي الباب. لعلكم تتقنوا. كلام فصيح جدا. وغريب في نفس الوقت - 00:11:12

القصص ده ده يعني ده قتل ده ازهقه ازهاق روح. ازاى يبقى في القتل حياة ولكم في القصص ده حكم آآ القاتل اللي هو بيقتل القصص قتل القاتل - 00:11:31

ازاي يبقى في القتل حياة؟ وده اللي احنا قلناه من المتين الف اللي اتقتلوا دول لو كان عقوبة الاعداد مطبقة كم واحد منهم كانوا هيبقوا عايشين النهاردة يعني بصرف النزر بقى عن مسألة بقى ان هو عمره كده احنا بنتكلم على مسألة - 00:11:49
كم واحد من القتلة كان ممكن يردعوا عقوبة الاعداد ويخاف منها اذا تشريع القصص فيه انقاذ للحياة ابقاء على حياة ناس ابرياء وجود الحكم بتاع قتل القاتل سيردع ويخيف ناس كان التنويه انها تقتل - 00:12:07

فده هيعطي حياة لناس كانت هتقتل وعندهم ولاد وعندهم اسر وعندهم عائلات بيعولوها وعندهم ناس هتبكي عليهم طول العمر ولكم في القصص حياة يا اللي عندكم مخ بس. يا اللي بتفكروا يا اولي الباب. اللب هو الجوهر هو الداخل. يعني اللي عنده حاجة - 00:12:30

ايه ده اللي عنده هنا مخ مش مهلبية اللي بيشغل مخه هو ده اللي هيفهم معناه ايه معناها ولكم في القصص حياة يا اولي الباب يا اللي بتفكروا لعلكم تتقنوا - 00:12:51

لعلكم تتقنوا انتشار القتل في المجتمع. لعلكم تتقنوا انتشار الثأر في المجتمع في الصعيد الثأر منتشر بين العائلات جدا لان واحد يقتل واحد من عيلة تانية فتيجي العيلة اللي اتقتل منها تقتل واحد من العيلة الاولى. مش مهم مين اللي اتقتل؟ ما يعرفوش اصلا - 00:13:05

مين القاتل؟ مش مهم بقى هيقتلوا واحد من العيلة الاولانية وخلص حتى لو مش هو القاطي لو عارفين القاتل وهرب وعنده ابن صغير ينتزره الابن لما يكبر علشان يقتلوه ودائرة العنف وسفك الدماء لا تتوقف في النصف الاول - 00:13:31
من الصورة ربنا كتب على بني اسرائيل لا تسفكون دماءكم هنا بقى ربنا بيكلم وبيدي تعاليمه للمسلمين علشان ما يسفكوش الدماء لن يوقف دائرة الثأر دائرة العنف وسفك الدماء لن يوقفها الا انه يقوم الحاكم بنفسه. بتنفيذ حكم القصص - 00:13:54
يمسك القاتل ويجيب اهل القتل ويخيرهم اما يقتل القاتل قدامهم او يعفو عنه ويقبل الدية وهو بقى القاضي يحكم على القاتل حكم تعزيري بالحبس لمدة توجعه خلي بالك في ناس فاهمة ان القاتل ده ما دام عفي عنه ودفع اتنين مليون جنيه خرج يا سلام واحد مليونير يروح يقتل جاره - 00:14:23

ويدفع اتنين مليون جنيه ويخرج؟ لا لازم يتوجع بحكم تعزيري. التعزير هو حق القاضي. يستطيع بقى ايه؟ يشوف كده ويقيم الامر وطبقا للقوانين اللي عنده يشوف الراجل ده يتزرع عشر سنين يتزرع خمس سنين زي ما يشوف بقى هو خلاص عفي عنه -

مش هيعدم دفع فلوس تنفع الناس الغلبة والاطفال ولاد الراجل اللي اتقتلك ده ان هي مش سايبه لانه قتل الغيلة يعني الاغتيال دا لابد من من التعزير فيه لكن اتنين بيتخانقوا وبيضربوا بعض فواحد فيهم راح خابط الثاني مطوة ومات آآ دي حاجة تانية -

لكن قتل الغيلة اللي هو استخبي له في الدرة زي عندنا في الصعيد كده ويقوم ضاربه بالفرد وموته لأ ده لابد من تعزيرو حتى لو عفي عنه يبقى احنا كده فهمنا معنى - 00:15:40

ولكم في القصاص حياة حكم القصاص بيكسر حلقة العنف والقتل. طيب هناك قبائل وعائلات متكبرة مغرورة وكانت تقول لو قتل منا احد فلا نريد ان نقتل القاتل لا احنا لو قتل منا عبد - 00:15:51

هنقتل قصاده حر من عندكم وحتى لو اللي قتله عبد. مش عايزين العبد اللي قتله. احنا هنقتل حر قصاد العبد بتاعنا ما يهمناش ولو قتلنا امرأة هنقتل بها راجل من عندكم. وما حتى لو قتلها امرأة مش عايزينها. احنا ما يهمناش. فغرور واستكبار شديد - 00:16:14
فنزلت الاية مية تمانية وسبعين يا ايها الذين امنوا كتب عليكم القصاص في القتلى. الحر بالحر والعبد بالعبد والانثى بالانثى ممكن بقى حد يفهم الاية دي غلط زي بعض الاخوة والاخوات اللي بعثوا لي قبل الحلقة. ايه ده! ايه الكلام ده! ازاى! هو مش للناس كلها زي يعني زي بعضه وبتاع! اه - 00:16:35

اه بعض الناس ممكن تفهم الاية غلط وتفتكر ان احنا بنقول ان ما دام حر اتقتل لازم نقتل حر قصاده حتى لو اللي قتله عبد لاه لأ او ان لو انثى قتلت لازم نقتل بها انثى حتى لو اللي قتلها راجل برضو لأ - 00:17:02

اللي بيشرح الاية دي حديث النبي صلى الله عليه وسلم المسلمون تتكافى دماؤهم في الدماء لا فرق بين راجل وامرأة وامرأة رجل وامرأة ولا عبد وحر ولا صغير ولا كبير - 00:17:18

الاية مقصود بها ايه الاية اللي هي كتب عليكم القصاص في القتلى. الحر بالحر والعبد بالعبد والانثى بالانثى المقصود بها كسر النعرة والغرور والاستكبار اللي عند هؤلاء الناس او كي المقصود بها كسر النعرة والغرور اللي عند هؤلاء الناس - 00:17:35

اللي شايفين ان العبد بتاعهم بحر من عند التانيين. لا لا لا ما فيش الكلام ده خلاص لكن طبعا القاتل هو اللي يقتل في الاسلام لان ربنا قال في سورة الانعام - 00:18:19

ولا تكسب كل نفس الا عليها ولا تزر وازرة وزر اخرى تمام؟ طيب العقوبة تقع على القاتل فقط ايا كان بقى حر عبد رجل امرأة شريعة الاسلام هي قمة العدل - 00:18:31

وفوق اي شريعة اخرى. هناك شرائع الشريعة الفرنسية الشريعة الانجلو سكسون الشريعة الامريكية الشريعة الاسلامية ايه الفرق بين الشريعة الاسلامية واي شريعة اخرى كلها رائع كلها حلوة كلها في حاجات جميلة جدا جدا كلها بتقيم العدل كلها جميلة جدا. ولكن الفرق الوحيد هو ان الشريعة الاسلامية ما فيش فيها - 00:18:57

ما فيش فيها اي فرصة ان اي انسان يظلم ابدا. لانها الوحيدة الكاملة. ليه كاملة؟ عشان احنا مغرورين لا لان كل شريعة بتاخذ صفة واضع الشريعة فما ما وضعه الانسان بياخذ صفة الانسان - 00:19:17

ممكن يكون جميل لان الانسان ممكن يكون جميل. لكنه مش كامل لان الانسان مش كامل. شرع الله كامل لان الكمال لله وحده تمام؟ طيب. كمل بقى معي الاية مية تمانية وسبعين - 00:19:40

فمن عفي له من اخيه شيء فاتباع بالمعروف واداء اليه باحسان. ذلك تخفيف من ربكم ورحمة موسى عليه الصلاة والسلام كان القصاص واجبا ولا دية ولا عفو عن القتل ابدا - 00:19:53

ولكن تخفيفه من ربنا ورحمة ربنا خفف لصالح الناس وقال لو المقتول عنده عيال وهيستفيدوا من من قاتل ابوهم ده وهم محتاجين ياكلوا يتعلموا يتجوزوا فيتاح لهم العفو عن قاتل ابيهم - 00:20:18

وياخدوا دية اتنين مليون جنيه برضو مش وحشين يضمنوا لهم مستقبل وقاتل ابوهم اهو هيتحبس ويعزر برضه يعني هيعاقب

عقوبة اخرى لانه قتل غيلة قلنا اغتيال اه فلازم عليه فيه عقوبة لازم تطبق يعني. فمن عفي له من اخيه شيء فاتباع بالمعروف واداء اليه باحسان - [00:20:37](#)

ربنا بيذكر القاتل اللي عفي عنه من ابناء او من ورثة القاتل ان دول اخواتك راعوا راعوا فيك الاخوة انك اخوهم في الاسلام ففعو عنك. يبقى انت تروح بقى. هم. فاتباع بالمعروف واداء اليه باحسان. بعد ده كله تروح بمنتهى - [00:20:59](#)

احترام وتدفع اللي عليك وما تفصلش وما طلبتش بيذكروا ان دول ان في بينهم علاقة اخوة في الدين عشان دي تبقى نهاية العنف بين الاسرتين مش عاوزين سفك الدماء يكمل ثاني بقى - [00:21:25](#)

فنص التشريع نفسه مع النص القانوني النص نفسه حريص على اصلاح العلاقات الانسانية يعني مش ممكن تجد مادة قانونية في اي شريعة من الشرائع الموجودة بتقول فمن عفي له من اخيه شيء فاتباع بالمعروف واداء اليه باحسان. لان ربنا - [00:21:43](#)

حاطط اهداف من القوانين دي وهي مراعاة الانتشار الحب والعدل بين الناس ما هياش مواد قانونية جافة زي اللي الانسان بيكتبها طيب ذلك تخفيف من ربكم ورحمة. حكم الدية والعفو ده رحمة من ربنا - [00:22:04](#)

يعني ايه؟ يعني مش لازم تطبق عقوبة الاعداد في الاسلام الله! يعني بقى زي اوروبا اللي لغاتها! لأ احنا عندنا اللي بياخد قرار عدم تطبيق عقوبة الاعداد هم اهل القاتل - [00:22:25](#)

مش الحكومة اللي تخاف انهم هم اللي هيقتلوا قاتل ابوهم لانه لم يعاقب بالقتل. في يوم من الايام هيخرج من السجن ان شاء الله بعد عشرين سنة بعد خمسة وعشرين سنة هيخرج من - [00:22:42](#)

السجن اللي تخاف ان هم يروحوا يقتلوه هم ولاده. فلازم هم بنفسهم يتنازلوا بنفسهم عن حقهم في القصاص بتاع ابوهم يبقى خلاص كده ما فيش مشكلة لكن الدول الغربية اللي الغت عقوبة الاعداد عملت ايه بقى - [00:22:56](#)

اجبرت اهل القاتل انهم يتحملوا النقاط ابنهم او قاتل ابوهم يبقى عايش على حسابهم في السجن. انا فاكر كويس كان كان في منازرة في جامعة مانشستر من خمستاشر سنة كده - [00:23:13](#)

فاتفتح الموضوع ده معي يعني المتحدث الاخر راجل يعني مش بيعحب الاسلام راح رامي موضوع عقوبة الاعداد البربرية المش عارف ايه قلت له بص يعني الله لا يقدر طبعا يا رب ما يحصلش ابدا حاجة ولا واحد على الف من اللي بيقوله ده يحصل لك يا شيخ. لكن تخيل معي انك روحت النهاردة بيتكم بعد ما خلصنا المناظرة دي - [00:23:28](#)

ودخلت لقيت زوجتك مقتولة في اوضة النوم. ودخلت على ولادك مقتولين في اوضتهم. رحت بسرعة على الدور الفوقاني اللي فيه والدك ووالدتك انتم مقتولين. واحد دخل هل قتل كل عيلتك؟ دمرك - [00:23:50](#)

العقوبة ايه هنا؟ اللي هيظلم مدى الحياة كويس جدا وانت هتغفى من الضرايب قال لي لا اقف من الضرايب ليه؟ قلت له حلو اوي. عارف ده معناه ايه؟ - [00:24:04](#)

انه هياكل ثلاث وجبات في السجن طول عمره على حسابك يمكن انت ما تقدرش تاكل الاكل وهو بياخده ده في السجن ايه ده بقى يعني معاملة محترمة وكل يوم فيه بروتين وفيه كربوهيدراتس وفيه حلو وفيه كريم كراميل - [00:24:16](#)

وبعدين في السجن على فكرة انت عارف ان في نشاط يعني بيختار نشاط. ممكن يختار مسلا موسيقى فهيجي له على حسابك انت بتدفع التمن ده مدرس يعلمه بيانو وهيكمل تعليمه - [00:24:31](#)

مممكن ياخذ ماجستير ودكتوراه على حسابك وكمان هو بقى سجين مهذب فما عملش مشاكل في فترة السجن فبتتخفف المدة بتاعته وبعد خمستاشر عشرين سنة بيطلع ويكمل حياته معه دكتوراه على حسابك وحضرتك مدمن هيروين ساعتها ما خلاص بقى ما دمر لك حياتك - [00:24:46](#)

طبعا الراجل بقلم الراجل طبعا انا كنت قاسي جدا لكن ما هو لازم ان انا احطه في الصورة دي ده اللي بيحصل ان بيتن التنازل عن حق الناس غصب عنهم. وكمان ما بيسفيدوش حاجة - [00:25:05](#)

ما فيش لا دية ولا غيره خلاص فهي دي النقطة. طبعا وارد جدا بقى ان بعد ما البية ده يخرج القاتل دوة يتم الانتقام منه من اهل

القتيل لانه قلبهم بيغلي هم بيغلوا. دمرهم. ودائرة العنف تزل دائرة. والثأر يستمر عشرات السنين بين العائلات - 00:25:18
اما النظام في الاسلام فهو اكثر حكمة. ويحقق المسلم المصلحة للجميع. انتم عارفين انه لو عائلة القتيل عفت عن القاتل. والقاتل فقير ما يقدرش يدفع الدية بتدفعها العاقلة. العاقلة يعني رجال عائلته يجمعوا من بعض ويجمعوا تبرعات ويدفعوا لاولاد القتيل -

00:25:40

نساء عائلته لأ وده يحقق مصلحة كمل الاية فاتباع بالمعروف واداء اليه باحسان ذلك تخفيف من ريبكم ورحمة. اسمع فمن اعتدى بعد

ذلك فله عذاب اليم يعني ايه في ناس - 00:26:03

بتستدرج القاتل وتقول له عافنا عنك ونقبل الدية فيروح يسلم الدية ياخذه الدية وكمان يقتلوه غيلة يعني يعني غدر اغتيال. لأ هنا

بقي فمن اعتدى بعد ذلك فله عذاب اليم - 00:26:25

يعني ايه عذاب اليم هنا؟ يعني هيطبق عليهم القصاص ويقتل ولا يقبل منهم دية ولن يعفى عنهم. لان الرسول عليه الصلاة والسلام قال وده قانون. لا اعافي احدا قتل بعد اخذه الدية. ما دام خلاص ولي الدم عفا وقبل الدية ما ينفعش انه يقتل. خلص الموضوع -

00:26:53

التشريع ده معمول لكسر دائرة العنف. ما ينفعش تطبق وتأخذ مصالحك وتأخذ فلوس وكمان طاقته. يبقى احنا كده ما عملناش حاجة طبعاً الحلقة النهاردة زي ما تشوفوا كده طريقة الشرح فيها غريبة شوية انا واخذكُم بالعكس. خدنا الاية مية تسعة وسبعين. وكمان

النص الثاني بتاع مية تمانية آ مية تمانية وسبعين مية سبعة وتمانين - 00:27:18

مية سبعة وسبعين. ودلوقتني تعالوا بقى ايه نشوف اول الاية اول اية مية تمانية وسبعين يا ايها الذين امنوا كتب عليكم القصاص في

القتلى. الحر بالحر والعبد بالعبد والانثى بالانثى - 00:27:39

استوقفتني كلمة كتب عليكم القصاص ليه مبنية للمجهول؟ مع ان ربنا كثيرا ما يقول في القرآن كتب الله كذا كتب عليكم القصاص

هو مين اللي كتب مش ربنا اللي كتب - 00:28:01

ليه ما يقولش كتب الله عليكم القصاص في علماء قالوا حاجة غريبة اوي قال لك لأ مش ربنا اللي كتب بس ده العبد كمان انكتب

ازاي؟ قال لك بص الاشياء اللي العبد لا دخل له فيها ربنا قالها كده. كتب الله لاغلبن انا ورسلي - 00:28:20

كتب الله الاشياء القدريّة القدر قل لن يصيبنا الا ما كتب الله لنا. قدر. العبد ما لوش دخل فيه اما التشريعات فجاءت بصيغة كتب

عليكم كتب عليكم اذا حضر احدكم الموت ان ترك خيرا الوصية. دي الاية اللي هنتدبرها بكرة - 00:28:45

كتب عليكم مش كتب الله عليكم اذا حضر الله! الاية اللي بعدها هنتدبرها بعد بكرة. يا ايها الذين امنوا كتب عليكم الصيام ليه مش

كتب الله عليكم الصيام؟ في متين وستاشر في البقرة. كتب عليكم القتال وهو ليه مش كتب الله عليكم القتال - 00:29:09

وهنا الاية هنا هو يا ايها الذين امنوا كتب عليكم القصاص هو مين اللي كتب قلنا اكيد الله اللي كتبه. فاكيد بس انت كمان كتبت على

نفسك ان ده يكون شرعك انت - 00:29:33

لما رضيت بالله ربا وبالاسلام ديناً. فانت رضيت بالله مشرعاً فكتب عليك ربنا كتب وانت كتبت على نفسك لما اخترت ربنا مشرع لكن

هذا الشرع مش مطالب به الكافر لانه كافر له شرع بتاعه بقى هو - 00:29:59

ده شرعك انت باختيارك. انت يوم ما دخلت الاسلام انت ارتضيت الاسلام ديناً. انما القدر انت ما لكش دخل كتب الله لاغلبن انا

ورسلي خلاص كتب الله كتب الله فهمتوا؟ صحيح - 00:30:23

احنا هنا في ايه؟ كتب عليكم القصاص كمان معناها خلي بالك بقى كتب عليكم ده واجب ده ده فرض! يعني ايه يعني اولياء القاتل

لازم يسلموه. الله! عيلة ابنها قتل حد ورجع لهم نفسهم. انا قتلت فلان من العيلة تاني. عملت كده ليه وبتاع طب خلاص - 00:30:43

كتب عليكم القصاص يعني لازم ياخذه من قفاه كده ويروحوا يسلموه للقاضي مش هزار لا يجوز لهم انهم يخفوه او ان يمنعوا

القبض عليه. يبقوا ائمين لان ده مكتوب شرعاً كتب عليكم القصاص - 00:31:09

خلاص طيب تعالوا بقى نقرأ الايتين دول مع بعض كده ونتدبرهم ونشوف كم الحكمة اللي فيهم اقرا بقى معي يا ايها الذين امنوا

كتب عليكم القصاص في القتلى. الحر بالحر والعبد بالعبد والانى والانى - 00:31:25

فمن عفي له من اخيه شيء فاتباع بالمعروف واداء اليه باحسان. ذلك تخفيف من ريبكم ورحمة فمن اعتدى بعد ذلك فله عذاب اليم

ولكم في القصاص حياة يا اولي الالباب لعلكم تتقون - 00:31:45

وصل اللهم وسلم على سيدنا محمد وعلى اله وصحبه ومن تبع هداه. اللهم انا نسألك حبك وحب من يحبك وحب كل عمل يقربنا الى

حبك. اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما - 00:32:07

تحب اللهم اجعل حبك احب الينا من اهلينا واموالنا ومن الماء البارد على الظمأ اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احبي قلوبنا بحبك. واجعلنا لك كما

تحب. اللهم اجعلنا نحبك بكل قلوبنا - 00:32:27

بنا ونرضيك بكل اجسادنا. اللهم اجعل حبا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء

احزاننا وذهاب همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا -

00:32:54

اللهم فاطر السموات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل حرف في كتابك تلوناه

او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من - 00:33:20

سرورهم ونجعلك اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك

المرابطين في الارض المباركة فلسطين. وكن مع اخواننا في - 00:33:40

تركستان الشرقية وفي كشميرا وفي الشام وفي الهند وفي سريلانكا. وانصر كل من نصرهم واخذل كل من خذلهم. وطهر المسجد

الاقصى من دانا سي فانهم لا يعجزونك. اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا

او من - 00:33:58

او من مشايخنا مريضا به او حاملا له فالبسه ثوب الصحة والعافية عاجلا غير اجل. ومن لم يصب به فقه شره وابعده عنه ولا تسلطه

الا على اعدائك واعداً دينك واعداً اوليائك - 00:34:18

اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك توحدت على دعوتك وتعاهدت على

نصرة شريعتك. فوثق اللهم رابطتها. وادم ودها واهدا سبلها واملاً - 00:34:36

ابدأها بنورك الذي لا يحبو. واشرح صدورنا بفيض الايمان بك وجميل التوكل عليك. واحيها يا ربنا بمعرفتك. وامتها يا مولانا على

الشهادة في سبيلك. انك نعم المولى ونعم النصير. وصل اللهم وسلم على سيدنا محمد - 00:34:56

على اله وصحبه ومن تبع هداه. والسلام عليكم ورحمة الله وبركاته. ونراكم غدا باذن الله في نفس هذا الموعد. ان كنا من اهل الدنيا -

00:35:16